

# Talitonu i Tamaiti Aoga

Faitau fuaitau nei ma vase upu po o fuaitau na e fesoasoani ia te oe e malamalama ai pe aisea e mafai ai ona e talitonu i le mafaia e au tamaiti aoga ona faataunuu lo latou matafaioi ao latou aoao mai, aoao atu, ma faaaoaga aoaoga faavae ma mataupu faavae.

1. Sa aoao mai le Perofeta o Iosefa Samita:  
 “O mafaufau ma agaga uma ua auina mai e le Atua i le lalolagi ua mafai ona faateleina” (*Aoaoga a Peresitene o le Ekalesia: Iosefa Samita* [2007], 223).
2. Na aoao mai Peresitene J. Reuben Clark Jr. (1871–1961) o le Au Peresitene Sili:  
 “O loo fia aai le autalavou a le Ekalesia i mea o le Agaga; ua latou naunau e aoaoina le talalelei, ma ua latou mananao ia sa’o, ia le masuia. . . . E le o latou o ni tagata faalotoloto lua ae o ni tagata fia iloa, o e saili i le upumoni. . . .  
 “O nei tamaiti aoga ao latou o mai ia te oe o loo galalue faaleagaga agai i se tagata matua lea o le a latou taunuu vave i ai pe afai e te fagagaina i latou i meaai sao faaleagaga. Latou te o mai ia te oe ma se malamalama ma aafiaga faaleagaga e le iloa e le lalolagi” (*The Charted Course of the Church in Education*, rev. ed. [1994], 3, 5–6).
3. Sa aoao mai Peresitene Henry B. Eyring o le Au Peresitene Sili:  
 “E mafai ona ou faia se folafolaga ia te oe: Afai e te faia [tamaiti aoga] o ni tagata sailiili, o le a latou lagona e te alofa ia i latou. Ma e mafai ona fagua ai i latou i se faamoemoe ina ia mafai ona latou maua se loto e sili atu le agamalu. Atonu e le tupu i taimi uma, ma atonu e le tumau. Ae o le a tupu soo, ma o nisi taimi e tumau. Ma o i latou uma atonu o le a manatua na e talitonu i le mea sili ia i latou—lo latou tofi o se atalii o le Atua” (“And Thus We See: Helping a Student in a Moment of Doubt” [lauga i faiaoga o mataupu faalelotu o le Aoga o le Ekalesia, Feb. 5, 1993], 5, si.lds.org).
4. Na aoao mai Peresitene Spencer W. Kimball (1895–1985):  
 “Ua auina mai e le Alii agaga maoae ma malolosi na faapolopolo e fesoasoani i le tuleiina o lana galuega i luma i nei taimi faigata. O nei agaga e manaomia le aoaoina ma saunia mo le galuega e tataua ona latou faia” (“Men of Example” [lauga i faiaoga o mataupu faalelotu o le Ofisa o Aoga a le Ekalesia, Set. 12, 1975], 5, si.lds.org).
5. Sa aoao mai Peresitene Dieter F. Uchtdorf o le Au Peresitene Sili:  
 “E mananao o tatou tagata talavou e talitonu; latou te faananau ia aoao atili e uiga i le Faaola” (“A Teacher of God’s Children” [lauga i faiaoga o mataupu faalelotu o le Ofisa o Aoga a le Ekalesia, Ian. 28, 2011], 6, si.lds.org).
6. Na molimau mai Elder Neil L. Andersen o le Korama a Aposetolo e Toasefululua:  
 “Ou te fiafia i nei upu mai ia Peresitene George Q. Cannon [1827–1901], na auauna atu i le Au Peresitene Sili: “Ua faapolopoloina e le Atua agaga mo leni tisipenisione o e ua i ai le lototoa ma le naunautai e fetaiaia ma le lalolagi, ma mana uma o le tiapolo, o ē e vaaia ma ē le vaaia, ia folafola atu le talalelei ma faatumauiina le upu moni ma fausia le Siona a lo tatou Atua e le fefefe i soo se taunuu. Ua la auina mai nei agaga i leni tupulaga e faataatia le faavae o Siona e le toe mafai ona faatoilaloina, ma ia faatuina ni fanau o le a amiotonu, ma o le a ava i le Atua, ma ava ia te la i mea uma, ma usitai ia te la i tulaga uma’ [Deseret News, Me 31, 1866, 203].  
 “O alii ma tamaitai talavou i au vasega o agaga nei. O i latou o le faamoemoe o le lumanai” (“A Classroom of Faith, Hope, and Charity” [o se afiafi faatasi ma se Pulega Aoao, Feb. 28, 2014], lds.org/broadcasts).



7. Sa aoao mai e Peresitene Ezra Taft Benson (1899–1994) e faapea:

“Mo le toetiiti ono afe tausaga, na faapolopoloina ai oe e le Atua e te oo mai i aso amuli a o lumanai le Afio Mai Faalua o le Alii. . . . Na faapolopolo e le Alii mo le vaitaimi mulimuli nisi o ana fanau aupito malolosi, o e o le a tauaveina ma le manumalo le Malo. Ma o le mea lena na tou o mai ai iinei, aua o outou o le tupulaga e tatau ona saunia e faafaetaiai lo outou Atua. . . . la aua lava nei outou sese ai—o outou o se tupulaga ua faailogaina.” . . . Pe o le a [e] faamaoni i [lau] misiona o aso mulimuli, na muaifaaauina?” (“In His Steps” [Faigalotu o le Brigham Young University, Mat. 4, 1979], 1, speeches.byu.edu).

8. Na saunoa mai Peresitene Henry B. Eyring o le Au Peresitene Sili:

“[O a tatou tamaiti aoga] o le a galala mo mea o le Agaga. O le a latou iloaina pe a faamaonia le upumoni ia i latou e le Agaga. O le a latou naunau e faamalosia a latou molimau i le lagonaina o le afi o a latou molimau i upumoni autu o le tala-lelei toefuataiina a Iesu Keriso” (“The Lord Will Multiply the Harvest” [Lauga i faiaoga o mataupu faalelotu o le Ofisa o Aoga a le Ekalesia, Fep. 6, 1998], 2, si.lds.org).

